



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 12. März 2015, bzw. Freitag, 13. März 2015

Amtliche Publikation der Gemeinde Albula/Alvra

ALBULA/ALVRA

www.albula-alvra.ch

Infurmaziuns dalla suprastanza communal da digl cumegn Albula/Alvra:

Favrer 2015

- La suprastanza communal è examinada e lubia diversas dumondas da biagier.
- La suprastanza communal è neida infurmada extandeidamaintg antras commembers digl comite d'organisaziun davart digl stadi actual dallas lavours da preparaziun per la festa da fusiun ScuntrAVA.

Sot igl tetel ScuntrAVA è li la fegn d'emda digls 18/19 da fanadour 2015 ena festa da scuntrada, noua tgi igl nov cumegn Albula/Alvra sa preschainta. Per organisar la festa è sa furmo en comite d'organisaziun cun represchentantAs digl cumegn Albula/Alvra, l'uniun Veia dall'Ava e digl Parc Ela. Durant dus deis vignan persungas, uniuns e firmas perlung dalla Veia dall'Ava a preschentar la multifariadad dalla Val Alvra ed anvidar indigens e giasts a scuntradas inspirontas. Passa 30 interessents èn gio s'annunztgias per mussar sen en post lur lavours, artisanat e hobis, animeschan da sa participar a gis u porschan spezialitads localas.

La sonda seira festivescha la populaziun igl nov cumegn. Tottas abitantas ed abitants scu er possessours da sagondas abitaziuns èn anvidos agl Bogn d'Alvagni ad ena gronda festa cun speisa e bavronda, musica e divertimaint.

- Per igl antier project da reparatura ed equipaziun 2015 – mal'ora digl avost 2014 ad Alvagni – è la suprastanza concedia en credit da 100'000.- fr. La confederaziun ed igl cantun on mess an vista contribuziuns an import da 72%. Igl project vign sottamess agl cantun per l'examinaziun ed approvaziun.

- La suprastanza communalà ò approvo la lescha da pumpiers digl cumegn Albula/Alvra, tgi è neida inoltrada per la preexaminaziun agl uffezi cantunal da pulizeia da fi, e delibero tala per mang dalla radunanza communalà.
- An ples sedutas ò la suprastanza communalà examino detagledamaintg igl preventiv 2015 digl cumegn Albula/Alvra ed igl delibero per mang dalla radunanza communalà.
- Per la sanaziun digl indrez digls sains a Stierva, ò la suprastanza concedia en credit da 4'330.80 fr.
- La suprastanza ò fixo **da nov** igl termin per la proxima radunanza communalà per **marde, igls 7 d'avregl 2015** (an pe digls 25 da mars 2015) a Stierva. L'invitaziun scu er igls documaints da votaziun correspondents vignan tarmess a taimp per posta.

La suprastanza communalà